




Fact sheet

from the EU drugs agency in Lisbon



Informativni list

Evropske agencije za borbu protiv droga u Lisabonu

INSTRUMENT ZA PRETPRISTUPNU POMOĆ (IPA)

Konferencija Centra EMCDDA predstaviće rezultate na kraju projekta IPA5

(21.6.2017, LISABON) **Evropska agencija za borbu protiv droga (EMCDDA)** danas organizuje konferenciju u Sarajevu koja označava kraj dvogodišnjeg projekta o tehničkoj saradnji sa zemljama korisnicama **Instrumenta za pretpristupnu pomoć (IPA)** ⁽¹⁾. Konferencija se održava u saradnji sa **Ministarstvom sigurnosti Bosne i Hercegovine i Delegacijom EU** u zemlji. **Zamjenik ministra sigurnosti Mijo Krešić** prisustvovaće otvaranju ⁽²⁾.

Ovaj projekat koji finansira EU (**IPA5**)⁽³⁾, koji se provodi u okviru **politike proširenja EU** ⁽⁴⁾, kreiran je da bi pripremio zemlje kandidate i potencijalne kandidate za članstvo u EU za učešće u radu **EMCDDA** u budućnosti. Počevši u julu 2015, promovisao je prenos znanja i jačanje kapaciteta na polju promatranja droga, te obezbijedio naučnu podršku za prikupljanje informacija i analizu, kao i razvoj proizvoda u skladu sa potrebama date zemlje, EU i EMCDDA.

Zemlje korisnice projekta IPA5 su: Albanija, Bosna i Hercegovina, Bivša Jugoslovenska Republika Makedonija, Kosovo*, Crna Gora i Srbija. Ciljeva projekata bili su:

- Cilj 1: učvrstiti saradnju sa svakom korisnicom IPA-e na institucionalnom nivou;
- Cilj 2: jačati naučnu saradnju u prikupljanju, analizi i tumačenju podataka;
- Cilj 3: kreirati, povećati i promovisati dodatnu vrijednost saradnje.

Na konferenciji će biti istaknuto kako su ovi ciljevi provedeni, te će se navesti povezane aktivnosti, naučene lekcije i budući koraci. Učestvovaće oko 55 učesnika iz regije Zapadnog Balkana, predstavnika raznih institucija (npr. ministarstva zdravlja, unutrašnjih poslova; carinske vlasti; forenzičke laboratorije; instituti za javno zdravstvo; policija; univerziteti i klinike).

U okviru cilja 1, **EMCDDA** je organizovala sastanke nacionalnih aktera u glavnim gradovima svake od šest zemalja korisnica kako bi osigurala da se date zemlje pridržavaju projektnih ciljeva i očekivanih rezultata.

Aktivnost u okviru cilja 2 bio je postupak prikupljanja podataka o zapljenama narkotika u regiji, koji je podrazumijevao sesije obuke i analizu nacionalnih podataka. U saradnji sa Kancelarijom Ujedinjenih nacija za borbu protiv droge i kriminala (UNODC), **EMCDDA** je dala podršku procjeni dostupnosti tretmana za liječenje ovisnosti o drogama i potreba za uslugama u datoj oblasti na državnom nivou tako što je pomogla zainteresovanim zemljama da provedu istraživanja o klinikama za liječenje ovisnosti o narkoticima.

Ovaj projekat finansirao je i provođenje prve nacionalne ankete stanovništva u Bivšoj Jugoslovenskoj Republici Makedoniji i Crnoj Gori.

U okviru Cilja 3, **EMCDDA** je pomogla zemljama da kreiraju sisteme za rano upozoravanje o novim psihoaktivnim supstancama na nivou države. Predavači iz odabranih zemalja članica EU raspoređeni su u zainteresovane zemlje korisnice radi provođenja aktivnosti na jačanju kapaciteta sa ključnim akterima.

Napomene

(¹) IPA program Evropske komisije napravljen je da bi pomogao zemljama kandidatima i potencijalnim kandidatima da zadovolje kriterije za pristup, da usklade svoje politike i standarde sa EU-ovim, te da unapređuju socio-ekonomski razvoj.

(²) Program u cjelosti dostupan na https://ec.europa.eu/neighbourhood-enlargement/instruments/overview_en

(³) IPA5 (juli 2015–juni 2017): 'Dalja priprema korisnika IPA-e radi učešća u aktivnostima Evropskog centra za promatranje droga i ovisnosti o drogama (EMCDDA)' www.emcdda.europa.eu/about/partners/cc/ipa5

(⁴) Za više informacija o politici proširenja EU, vidi <https://ec.europa.eu/neighbourhood-enlargement>

** Ova oznaka ne prejudicira stavove o statusu, i u skladu je sa Rezolucijom 1244 Vijeća sigurnosti Ujedinjenih nacija i Mišljenjem Međunarodnog suda pravde o proglašenju nezavisnosti Kosova.*